

Uunga siunnersuut: Inatsisartut Ombudsmandiat pillugu Inatsisartut inatsisaat

(Inatsisartut Siulittaasoqarfiat)

Akissuteqaat

(Naalakkersuisut Siulittaasuat)

Naalakkersuisut sinnerlugit Inatsisartut Siulittaasoqarfiat Inatsisartut Ombudsmandiat pillugu Inatsisartut inatsisaannut siunnersuummik saqqummiussineranut qutsavigaara.

Inatsisissatut siunnersuummi Inatsisartut Ombudsmandiat pillugu maleruagassat nutarterneqarnerat erseqqissarneqarnerallu neriulluarnartutut Naalakkersuisut isigaat. Siunnersuut ombudsmandip atorfininnerani atugassarititaasunik ersarinnerulersitseqataavoq, peqatigisaanillu Inatsisartut inatsisaata nutarterneqarnissaa qulakkeerneqarluni.

Danskisut kalaallisullu inatsisip oqaasertaasa oqaatsitigut erseqqissarneqarnerat kiisalu inatsisissamut siunnersuummut oqaaseqaatit nutarterneqarnerat, taamatuttaaq Naalakkersuisut naleqquttutut isigaat. Tamanna inatsisimmi, atoruminarnerulersitseqataassaaq ullutsinnullu naleqqunnerulersitseqataassalluni.

Taamatut oqaaseqarlutik Naalakkersuisut Inatsisartut siunnersuummik suliarinninnissaat qilanaaraat.